

## Listi VI.

(Efni, sem eru hættuleg í formi ryks eða reyks, t. d. við logsuðu og ljósogasuðu).

Á nokkrum stöðum er hætt við tilvisunum, þannig:

ARSEN og ARSENSAMBÖND, sbr. einnig lista I.

BLÝ og BLÝSAMBÖND, sbr. einnig lista III.

KADMÍUM og KADMÍUMSAMBÖND, sbr. einnig lista II.

KRÓM og KRÓMSAMBÖND, sbr. einnig lista II.

KVIKASILFUR og KVIKASILFURSSAMBÖND, sbr. einnig lista I og II.

ZINK og ZINKSAMBÖND, sbr. einnig lista I, III og III.

## 7. gr.

Reglugerð þessi er sett samkvæmt heimild í 2. gr. laga um eiturefni og hættuleg efni nr. 85 31. desember 1968, sbr. lög um breyting á þeim lögum nr. 27 18. apríl 1973, og öðlast þegar gildi við birtingu.

*Heilbrigðis- og tryggingamálaráðuneytið, 11. maí 1981.*

**Svavar Gestsson.**

*Inqimar Sigurðsson.*

22. apríl 1981.

Nr. 271.

**SAMÞYKKT**

**um sorphreinsun og sorpeyðingu á Suðurnesjum.**

## 1. gr.

Sorpeyðingarstöð Suðurnesja annast alla sorphirðu og sorpeyðingu í Gerðahreppi, Grindavík, Hafnahreppi, Keflavík, Miðneshreppi, Njarðvík og Vatnsleysustrandarhreppi, á þann hátt og með þeim takmörkunum sem samþykkt þessi setur.

## I. KAFLI

**Hreinsun á sorpi frá íbúðarhúsnæði.**

## 2. gr.

Sérhver eigandi eða umráðandi íbúðarhúsnæðis á Suðurnesjum er skyldur til að nota sorphreinsun Sorpeyðingarstöðvar Suðurnesja eftir nánari ákvæðum sem fram koma í þessari samþykkt og öðrum lögum og reglum sem málið varða.

## 3. gr.

Sorpeymslur skulu uppfylla ákvæði byggingar- og heilbrigðisreglugerða.

## 4. gr.

Sorphreinsunin hreinsar allt sorp, sem er í pokum er sorphreinsunin leggur til. Einnig tilfallandi eðlilegan úrgang, svo sem umbúðir af heimilistækjum og hluti sem rúmast illa í pokum, enda séu þessir hlutir auðveldir í meðförum fyrir einn mann.

## 5. gr.

Í sorppoka má setja algengt húsasorp, svo sem matarleifar, umbúðir, ónýtan fatnað, blöð og pappír og affall af lóðum, annað en mold, torf og grjótt. Glerbrotum og öðrum oddhvössum hlutum sem hætta er á að skeri eða rífi pokana, skal pakkað inn eða gengið frá þeim á annar tryggilegan hátt. Pokar mega ekki vera þyngri en

svo að auðvelt sé að meðhöndla þá og ekki sé hætt á að þeir rifni. Yfirfyllta þoka verður húseigandi eða umráðamaður að flytja á eigin kostnað í sorpeyðingarstöðina.

#### 6. gr.

Sorphreinsun fer að jafnaði fram einu sinni í viku á þeim tíma sem auglýstur er á hverjum stað.

#### 7. gr.

Sorphreinsun leggur til alls 60 þoka á ári til hvernar íbúðar. Þokarnir eru að jafnaði afhentir tvisvar sinnum á ári. Einnig getur íbúðareigandi keypt aukapoka í sorpeyðingarstöðinni eða hjá viðkomandi sveitarfélagi.

#### 8. gr.

Íbúðareigendur eða umráðamenn skulu koma pokum og öðrum úrgangi út á gangstétt eða út fyrir lóðamörk þar sem sorphreinsunarbíll kemst að. Á þeim dögum sem hreinsun fer fram. Bundið skal fyrir þokana og frá þeim gengið þannig, að ekki sé hætt á foki, né heldur að fuglar eða skepnur komist í þá.

#### 9. gr.

Sveitarstjórn getur leyst íbúðareiganda undan kvöð 8. greinar gegn gjaldi, sem hún ákveður.

#### 10. gr.

Sorppokagjöld eru lögð á samkvæmt sérstakri gjaldskrá með fasteignagjöldum ár hvert, og innheimtast með þeim.

## II. KAFLI

### Hreinsun á sorpi frá verslunar- og iðnfyrirtækjum.

#### 11. gr.

Sorpeyðingarstöð Suðurnesja tekur að sér sorphreinsun hjá þeim fyrirtækjum á Suðurnesjum sem þess óska, samkvæmt þeirri gjaldskrá sem sveitarstjórnin setur og með þeim takmörkunum sem um getur í samþykkt þessari.

#### 12. gr.

Frágangur sorpgeymslna skal vera í samræmi við byggingar- og heilbrigðisreglugerðir og aðkoma að þeim greið.

#### 13. gr.

Sorp skal að jafnaði vera í gámum af gerð sem sorpeyðingarstöðin viðurkennir. Heimilt er að nota sorppoka, sé um lítið magn að ræða.

#### 14. gr.

Sorp er hreinsað að jafnaði einu sinni í viku.

#### 15. gr.

Óheimilt er að losa í gámana efni sem sprengihætta getur stafað af, þunga málmhluti eða tærandi efni, svo og önnur þau efni sem sorpeyðingarstöðin tekur ekki við.

#### 16. gr.

Óski umráðamaður fyrirtækis efir hreinsun á meiri háltar magni af sorpi (meira en 1600 lítra gám) skal gera um það sérstakan samning milli aðila.

## III. KAFLI

## 17. gr.

Skylt er hverjum þeim er hyggst losa sig við sorp, drasl eða annan úrgang á eigin vegum að flytja hann til Sorpeyðingarstöðvar Suðurnesja við Hafnarveg.

## 18. gr.

Sorpeyðingarstöðin tekur á móti flest öllum úrgangi sem til fellur á Suðurnesjum, með takmörkunum þó.

## 19. gr.

Sorpeyðingarstöðin tekur á móti húsa-, iðnaðar- og verslanasorpi, brotamálmi, ónýtum bílum og vélahlutum, úrgangsolium og úrgangsvökvum, veiðaríærum, umbúðum hverskonar, affalli frá byggingariðnaði (þó ekki steinsteypu afgöngum), húsgögnum, heimilistækjum og öllu öðru því sem eðlilegt getur talist að sorpeyðingarstöð taki á móti.

## 20. gr.

Takmarkanir á móttöku:

Olíur og vökvur verða að koma í ílátum séraðskildir.

Brotamálmur, ónýtir bílar og ónýt heimilistæki verða að koma aðgreind frá brennanlegum úrgangi.

Mjög stóra málmhluti verður að skera í hæfilega stórar einingar.

Ekki er tekið á móti: Mold, grjóti, torfi, salti, fiskúrgangi eða afbeitu.

Aðeins er heimilt að losa úrgang á auglýstum opunar- og móttökutímum og skylt er að hafa samband og fara eftir fyrirmælum starfsmanna stöðvarinnar um meðferð og losun á úrgangi.

## 21. gr.

Öll meðferð og flutningur á sorpi og úrgangi skal vera þannig að fyllsta hreinlætis sé gætt og ekki fjúki eða falli af flutningatækjum neitt það er óþrífnaði getur valdið.

## 22. gr.

Með brot gegn samþykkt þessari fer skv. lögum nr. 12/1969 um hollustuhætti og heilbrigðiseftirlit.

## 23. gr.

Ofangreind samþykkt Njarðvíkurbæjar, Keflavíkurbæjar, Gerðahrepps, Hafnahrepps, Grindavíkurbæjar, Vainsleysustrandarhrepps og Miðneshrepps staðfestist hér með skv. lögum nr. 12/1969 um hollustuhætti og heilbrigðiseftirlit til þess að öðlast gildi þegar við birtingu. Jafnframt falla úr gildi einstakar samþykktir ofangreindra sveitarfélaga um sama efni.

*Heilbrigðis- og tryggingamálaráðuneytið, 22. apríl 1981.*

F. h. r.

Páll Sigurðsson.

*Ingimar Sigurðsson.*